



TA VANTSHWA VA HINA

Tivonele Eka Mimoya Yo Homboloka!

Swiletelo: Endla xitoloveto lexi endhawini leyi nga riki na pongo. Loko u hlaya matsalwa, tianakanye u ri eka xiendlakalo xa kona. Xi vone hi mahlo ya mianakanyo. Twana leswi vanhu va kona va swi vulaka. Titwe hi ndlela leyi va titwaka ha yona. Endla leswaku rungula leri ri hanya.

1 VONA XIENDLAKALO XA KONA HI MAHLO YA MIANAKANYO.—HLAYA GENESA 6:1-6 NA MINTIRHO 19:11-20.

Hi mahlo ya mianakanyo, hlamusela ndlela leyi Manefilimi a ma langutekisa xi-swona. _____

Xana u ehleketa leswaku vavanuna va titwe njhani endzhaku ko hlangana ni moya wo homboloka, hilaha swi hlamuseriweke hakona eka Mintirho 19:13-16? _____

2 ANAKANYISISA SWINENE HI MHAKA LEYI.

Hi ku tirhisa switirhisiwa swo endla ndzavisiso leswi u nga na swona, kumisisa leswi engetelekeke malunghana ni Manefilimi. U ehleketa leswaku ha yini ma ve ni tihanyi to tano? _____

Xana mimoya leyo homboloka yi 'fularhele vutshamo bya yona lebyi faneleke' hi ndlela yihi? (Hlaya Yudha 6.) Xana u anakanya leswaku ha yini a yi nga ri ya ntumbuluko—a yi onha—hi ku va yi lave vavasati? _____

Xana timhaka timbirhi leti u ti hlayeke ti ku byela yini hi ku va mimoya leyo homboloka yi ve ni ku navela rimbewu ni madzolonga? _____

③ TIRHISA LESWI U SWI DYONDZEKE. SWI TSALE EHANSI LESWI U SWI DYONDZEKE MALUNGHANA NI . . .

Tihanyi ni mboyamelo wa vutianakanyi wa mimoya leyo homboloka.

SWIN'WANA LESWI U NGA SWI TIRHISAKA.

Leswi mimoya yo homboloka yi nga ha swi kotiki ku ambala mimiri ya nyama, xana yi nga ringeta ku *ku* kucetela hi tindlela tihi leti nga vonakiki?

Hi byihi vuhungasi lebyi namuntlha byi kombisa-ka langutelo ra mimoya leyo homboloka?

Xana u nga swi kombisa njhani leswaku u tiyi-misele ku lwisana ni nkucetelo wa mimoya yo homboloka? (*Tlhela u hlaya Mintirho 19:18, 19.*)

④ HI SWIHI SWILO LESWI U SWI DYONDZEKE EKA MARUNGULA LAWANA NASWONA HA YINI?

